

18

addin

22-01-2018



Bersama
Mohd Shahrizal
Nasir

HARIAN METRO

Cuba lihat bentuk fizikal diri sendiri dan orang di sekeliling kita. Semuanya sama saja, ada anggota badan yang sama bentuk dan fungsinya.

Itu bukti kehebatan dan kebesaran Allah SWT. Setiap Muslim wajib akur Allah menjadikan manusia dengan tatacara yang diperincikan dalam al-Quran.


Firman Allah bermaksud: "Kemudian Kami ciptakan air benih itu menjadi sebuah darah beku. Lalu Kami ciptakan darah beku itu menjadi seketul daging, kemudian Kami ciptakan daging itu menjadi beberapa tulang, kemudian Kami balut tulang-tulang itu dengan daging. Selepas sempurna kejadian itu Kami bentuk dia menjadi makhluk yang lain sifat keadaannya. Maka nyatakan kelebihan dan ketinggian Allah sebagai sebaik-baik Pencipta." (Surah al-Mukminun, ayat 14)

Hal penciptaan manusia adalah kuasa mutlak Allah. Setiap insan tidak mempunyai pilihan mengikut cita rasa masing-masing. Tidak ada insan diberi pilihan untuk lahir dengan memiliki kulit cerah, gelap, halus atau kasar.

Semuanya adalah ketentuan daripada Allah secara mutlak. Sebagai insan yang beriman, tidak wajar apabila ada dalam kalangan manusia menghina penciptaan Allah hingga

Takwa membezakan manusia

■ Keturunan hebat bukan jaminan kejayaan seseorang di dunia, akhirat



KEJAYAAN seseorang sama ada di dunia atau akhirat itu hanya bergantung kepada takwa dalam dirinya.

Jangan pula seseorang mendabik dada mengaku dia daripada keturunan hebat. Tiada satu keturunan pun lebih baik atau tinggi daripada keturunan yang lain.

Kejayaan seseorang sama ada di dunia atau akhirat itu hanya bergantung kepada takwa dalam dirinya. Orang yang lahir dalam keturunan Arab sekalipun tidak bermakna mereka lebih beruntung daripada bangsa lain.

Allah berfirman yang bermaksud: "Wahai orang yang beriman! Janganlah sesuatu puak (daripada kaum lelaki) mencemuh dan merendah-rendahkan puak lelaki yang lain, (kerana) mungkin puak yang dicemuhkan itu lebih baik daripada mereka dan janganlah pula sesuatu puak daripada kaum perempuan mencemuh dan merendah-rendahkan puak perempuan yang lain, (kerana) mungkin puak yang dicemuhkan itu lebih baik daripada mereka..." (Surah al-Hujurat, ayat 11)

Begitu tetapan Allah dan Rasul-Nya bagi menjelaskan setiap manusia mempunyai kudrat yang amat terbatas dalam menentukan kehidupannya. Jauhkan diri daripada menghina asal usul, keturunan, warna kulit, ahli keluarga serta sifat fizikal orang lain. Sebaliknya kelebihan yang ada perlu dimanfaatkan dalam diri bagi membantu insan lain yang dalam kekurangan.

Penulis ialah pensyarah Universiti Sultan Zainal Abidin (UniSZA), Terengganu

menjadikan sifat fizikal orang lain sebagai bahan jenaka.

Begitu juga dengan nasab keturunan. Manusia tidak diberi pilihan lahir dalam sebuah keluarga kaya atau miskin. Jika ada individu hidup dalam kesusaahan, maka yang memiliki harta perlu menghulurkan bantuan.

Orang yang mempunyai

harta juga adakalanya memerlukan bantuan insan lain yang tidak mempunyai kemewahan seperti yang dimilikinya. Begitu fitrah kehidupan manusia di dunia.

Sabda Rasulullah SAW bermaksud: "Seorang Muslim adalah saudara Muslim yang lain, dia tidak menzaliminya dan tidak merendahkannya. Sesiapa

memenuhi hajat saudaranya, maka Allah akan memenuhi hajatnya. Sesiapa yang menghilangkan satu kesempitan daripada kesempitan dunia seorang Muslim, maka Allah akan menghilangkan daripadanya satu kesempitan daripada kesempitan hari kiamat." (Hadis Riwayat al-Bukhari dan Muslim)

Memang benar, ada takdir